

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 31. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18), članom 22. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine FBiH“, broj: 13/19) i Rješenjem o postavljenju direktora u Službi za zajedničke poslove, broj: 02-34-17845/19 od 05.12.2020. godine, Vlada Zeničko-dobojskog kantona, na 43. sjednici, održanoj dana 14.02.2020. godine, d o n o s i

RJEŠENJE

o preuzimanju dužnosti

I.

Miralem Redžić, diplomirani pravnik, postavljen na radno mjesto „direktor“ u Službi za zajedničke poslove Zeničko-dobojskog kantona, Rješenjem o postavljenju direktora u Službi za zajedničke poslove, broj: 02-34-17845/19 od 05.12.2019. godine, preuzima dužnost radnog mjesta dana 20.02.2020. godine, polaganjem zakletve vjernosti.

II.

Imenovanom se utvrđuje osnovna plaća izražena u drugom (II) platnom razredu sa utvrđenim koeficijentom 6,20 pomnožena sa osnovicom za plaću uz povećanje za 0,5% za svaku započetu godinu penzijskog staža, a najviše do 20%.

O b r a z l o ž e n j e

Na osnovu člana 24., a u vezi sa članom 74a. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), Pravilnika o unutrašnjoj organizaciji i sistematizaciji radnih mjesta u Službi za zajedničke poslove Zeničko-dobojskog kantona i Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona, Agencija za državnu službu Federacije Bosne i Hercegovine raspisala je javni konkurs za popunu radnog mjesta rukovodećeg državnog službenika „direktor“ u Službi za zajedničke poslove Zeničko-dobojskog kantona.

Nakon provedene konkursne procedure za popunu upražnjenog radnog mjesta rukovodećeg državnog službenika „direktor“ u Službi za zajedničke poslove Zeničko-dobojskog kantona i dostavljene Liste uspješnih kandidata od strane Agencije za državnu službu Federacije Bosne i Hercegovine broj: 04-34-8-105-19/19 od 04.11.2019. godine, prema kojoj je kandidat Miralem Redžić, u okviru javnog konkursa osvojio 89,11% bodova na stručnom ispitu, stekli su se uslovi da Vlada Zeničko-dobojskog kantona, kao organ nadležan za imenovanje, shodno članu 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine FBiH“, broj: 13/19), izvrši

postavljenje Miralema Redžića na radno mjesto navedeno u dispozitivu ovog rješenja.

Na osnovu navedenog, na 34. sjednici Vlade Zeničko-dobojskog kantona, održanoj dana 05.12.2019. godine, Vlada Zeničko-dobojskog kantona donijela je Rješenje o postavljenju Miralema Redžića na radno mjesto „direktora“ u Službi za zajedničke poslove, broj: 02-34-17845/19 od 05.12.2019. godine, kojim je u tački II. utvrđeno da “imenovani državni službenik preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa”.

Članom 31. Zakona o državnoj službi u Federaciji Bosne i Hercegovine i članom 22. stav 4. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine, propisano je da postavljeni državni službenik preuzima dužnost polaganjem zakletva vjernosti pred rukovodiocem organa državne službe.

Aktom, broj: 04-34-8-105-30/19 od 31.01.2020. godine, Agencija za državnu službu Federacije Bosne i Hercegovine obavijestila je Premijera Zeničko-dobojskog kantona, da je Javni konkurs za popunu radnog mjesta rukovodećeg državnog službenika u Službi za zajedničke poslove, objavljen u „Službenim novinama FBiH“, broj: 49/19 od 12.07.2019. godine, okončan za radno mjesto - Direktor, i da je organ nadležan za postavljenje dužan pozvati postavljenog kandidata Miralema Redžića da preuzme dužnost.

Odredbom člana 20. Zakona o plaćama i naknadama u organima vlasti Zeničko-dobojskog kantona utvrđen je drugi (II) platni razred sa koeficijentom 6,20 za obračun plaće za radno mjesto rukovoditelj ureda, stručne i druge službe koje obrazuje Skupština i Vlada Kantona, odnosno za direktora u Službi za zajedničke poslove Zeničko-dobojskog kantona.

Na osnovu navednog, riješeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine, u roku od 15 dana od dana prijema rješenja.

Broj: 02-30-2447/20

Datum, 14.02.2020.godine

Zenica

PREMIJER

Mirza Ganić

DOSTAVLJENO:

1x Imenovani,

1x Služba za zajedničke poslove,

1x (Personalni dosije imenovanog),

1x Ministarstvo finansija,

1x Agencija za državnu službu FBIH,

1x Oglasna tabla,

1x a/a.